

近代中國史料叢刊第七十六輯  
沈雲龍主編

宸垣識略  
吳長元輯

文海出版社  
有限公司印行

乾隆戊申冬

宸垣識略

序

粵在成周初經洛邑作誥曰自服于土中周  
起豐鎬肇九州職方所隸不克盡禹貢梁州  
揚州之舊境規度偏陝故以洛邑為天中據  
當日版章言之也洪維

聖朝光宅區寓聲暨文敷東起長白包肅慎  
外境屯牧相望西達於天山月竈東南跨漲

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



海闊曠古未闢之版圖度經緯測廣輪維  
京師實為四方之中周官稱天地之所合四  
時之所交風雨之所會陰陽之所和維今  
京師克臻其盛建極以馭八埏若辰樞之運  
乎中央而二十八舍十二分野俱為之環拱  
也禕歟盛哉曩時秀水朱檢討嘗述日下舊  
聞徵引諛博仰邀

睿鑒命儒臣重為考正條例之精制度之備  
辨証之確而襲古今地理書胥莫出其範圍  
矣仁和吳君太初久客都下雅才洽聞公卿  
士大夫爭招致讎校藝文益充拓其識博觀  
而約取以身所涉歷融洽前言編纂成書題  
曰宸垣識畧其叙載必有依据語尚雅馴見  
者嘉其用心之密而君頌藻曰此書祇以

備游覽之資而已夫游覽之書亦豈徒然而  
能為哉遊山必喬嶽觀水必滄溟而觀星者  
必於辰極四方所仰止必于邦畿民止之區  
崇規大起樂利延麻未易得其崖畧也然前  
人撰著若洛陽名園記長安可游記識載至  
纖悉矣考証者猶有所取資矧吳君沐浴  
雅化親見輦轂聲華之盛卿雲賡和協以衢

歌翔和輯慶之景象蒼萃簡編俾觀光日下  
者皆得按籍循途矚瞻斗極流傳及遠將使  
四方萬國俱得望光耀之遠邇戴景承輝以  
伸其莫不尊親之慕是豈特為操觚者慶遭  
遇乎此時哉是為序餘姚邵晉涵撰



--	--	--

序

太初氏客京師十餘載以著述自娛屢為縉紳先生  
校秘冊輒採錄藏于篋衍曰天厨雜嚼大而典章經術  
細而名物象數靡不賅備積帙盈尺未暇編次也又留  
心掌故卽經一坊巷一梵刹亦必詢其所自將擬為帝  
京景物長安可游之續會有

詔修朱氏日下舊聞為日下舊聞考書成得讀之乃綜  
括其大綱參之以所掇拾上自官府下迄郊坰為宸垣  
識畧十六卷客有議者曰京師自遼金元明以至我

牙士  
朝營都建域至宏且鉅形勢之正氣運之隆亘古莫儼  
朱氏既薈其全今

欽定本復徵其實美矣備矣固賓問之所不能窮亦廣  
輪之所未易括也太初氏以抄撮之力攬片羽于吉光  
拾董蒙之香草不已隘乎余曰不然凡書取其博且大  
者而已足矣地志則瑣言綴說皆識小之助也秀水之  
輯舊聞搜羣籍至千餘家而猶以未見元建都記蕭詢  
故宮遺錄爲憾事其明徵矣舊聞考爲

朝廷著作卷帙宏富鏤版祕館非窮陬僻壤謾聞淺識

所能先覩而太初是編譬之挹涓滴于東瀛分尺塊于  
嵩岱雖未盡窮其源升其巔而海嶽之全體則已具矣  
而又何歉焉且其紀述 大內宮苑則宮殿考掖庭記  
禁扁之屬也其臚列城市條析坊巷則長安志衢術志  
之屬也其雜載寺院則名山志伽藍記之屬也其援據  
典禮則會典通禮之屬也其間徵軼事雜錄歌詩則風  
俗記游覽志之屬也其畧附圖說則又圖經圖志之例  
也晉人將有事于河必先有事于惡池齊人將有事于  
泰山必先有事于配林請以是編爲舊聞考之惡池配

林也可容曰善遂書以爲序戊申涂月秋室余集撰

宸垣識畧目錄

卷一

天文 形勢 水利 建置 圖一

卷二

大內 圖一

卷三

皇城 一 圖一

卷四

皇城 二

卷五

內城

一 東南 總圖 一分圖 一  
東中 南

卷六

內城

二 東中 北 分圖 二  
東北

卷七

內城

三 西南 分圖 二  
西中 南

卷八

內城

四 西中 北 分圖 二  
西北

卷九

外城一 東 總圖一分圖二

卷十

外城二 西 分圖二

卷十一

苑囿 西山圖一

卷十二

郊坰一

卷十三

郊坰二



卷十四

郊坰三

卷十五

郊坰四

卷十六

識餘

目錄畢

宸垣識畧例言

一是書依據

欽定日下舊聞考朱氏日下舊聞編輯二書賅載順天  
全屬卷帙浩繁茲自 宮苑以迄郊坰採掇大綱  
事詳語畧凡十六卷做巾箱本以便行篋

一三朝

御製碑文暨

皇上御製題咏舊聞考敬謹詳載而

聖藻

天葩昭垂海寓久爲士林所誦法茲局于篇帙恭就已  
勒石者敬識其目云

郊壇 太廟 三殿等謹據會典詳錄其

特行曠典如干婁宴九老圖辟雍四庫全書恭識于按  
語用彰 本朝典章制度之隆

一城市敘次朱氏據明代五城編列坊巷尚屬整齊  
舊聞考據 本朝定制合內外城通編五城則犬  
牙參錯于游覽之例未符今內城據八旗居址分

八段外城分四段俱繪圖于首庶展卷瞭然

一是編爲游覽而設故官署依朱氏原書散入城市

中 禁苑則依舊聞考另爲一卷尊

皇居也而苑名仍于郊坰道里列之

一內城王侯甲第前考未載茲錄親王以至貝子皆從始封之爵其貝勒貝子向無封號凡初封有諡者書諡無諡者冠以本藩之號以別支派間有諡號俱無則謹書其諱非廢無襲者畧焉

一八旗公侯 賜第承襲更換不能遍考先就所知

書之凡承襲者書爵現膺 錫命者兼書銜餘俟

訪明補後

一京宦 賜廬邸寓更易無常概從其畧間有地已  
易主而當年

宸翰猶懸屋已傾廢而前人題咏可考錄之以識一時  
鴻山若坊巷無稽其名雅而事資吟助者亦採錄  
于識餘焉

一外城各省會館近年創建日繁此正邦畿民止于  
以壯 皇都敦梓誼意良厚焉彙錄卷末庶征車

戾止不迷于所往

一寺觀存廢以舊聞考爲主其紀載詳畧合二書而增損之或爲游歷所經或見前人題咏可以補入者亦統載焉

一詩詞題咏朱氏祇載前人茲兼採 本朝名家惟以賦體入選情謔陋寡交搜羅未廣閱者諒之

一繪圖悉有藍本因篇幅狹小省胡同二字祇書某名某條郊垌詳順天志圖以非所重故畧之

一每事首行頂格次行低一格以分眉目一事數條

者低一格另行古蹟已廢者于低格上加圈別之  
又詩詞按語俱低二格舊聞書原按補遺書補按  
舊聞考書考按間有愚見則書某按附後

例言畢

宸垣識畧卷一

仁和吳長元太初氏輯

天文

京師北極高三十九度五十五分夏至晝冬至夜五十九刻五分冬至晝夏至夜三十六刻十分節氣時刻依中星推算

北斗七星是謂帝車運乎中央而臨制四方六曰開陽亦曰應星主木主燕

劉向言地分燕地箕尾之分野也自危四度至斗六度



謂之析木之次燕之分也

尾箕星曰析木宮曰人馬時曰寅州曰幽

析木之津劉炫謂是天漢卽天河也在箕斗二星之間  
箕在東方木位斗在北方水位分析水木以箕星爲  
隔隔河須津梁以渡故謂此次爲析木之津也

星度分野十二次東西南北相反者四疑似者七所可  
據者其惟析木乎其宿尾箕亦良之維燕可以言東  
北也

辰星主幽州

燕齊之疆候辰星占虛危

玉衡第八星主幽州常以五寅日候之

景星見箕尾而慕容德復燕此分野之驗也

長元按星土之文見于周禮雜出于內外傳諸書其說茫昧不可究窮 本朝所用西歷專闕北極高度偏度以推晝夜長短節氣早遲其分野占候斥而不講今謹錄

京師北極高度于首而舊聞所引各書星土之文撮舉大畧以資數典而已

形勝

燕亦勃碣之間一都會也南通齊趙東北邊上谷至遼  
東北隣烏桓夫餘東縮穢貉朝鮮真番之利

冀都山脉從雲中發來前則黃河環繞泰山聳左爲龍  
華山聳右爲虎嵩爲前案淮南諸山爲第二重案江  
南五嶺諸山爲第三重案故古今建都之地莫過于  
冀所謂無風以散之有水以界之也

范鎮之賦幽州也曰繩直砥平形勝爽塏木華黎之傳  
幽燕也曰虎踞龍盤形勢雄偉以今考之是邦之地

左環滄海右擁太行北枕居庸南襟河濟形勝甲于天下誠天府之國也究其沿革唐虞則爲幽都夏殷皆入于冀地周封堯後于薊封召公于燕正此地也厥後漢曰廣陽晉曰范陽宋曰燕山元曰大興明初謂之北平而爲燕府龍潛之地尋建爲北京而謂之順天焉

太行自西來演迤而北鯨亘魏晉燕趙之境東極于醫巫閭重岡疊阜擁護而圍繞之不知其幾千里也其東則汪洋大海稍北乃古碣石稍南則九河故道浴

日月而浸乾坤所以界之者又如此其直截而廣大也况居直北之地上應天垣之紫微其對面之案以地度之則秦岱萬山之宗正當其前夫天之象以北爲極則地之勢亦當以北爲極易曰艮者東北之卦也萬物之所成終而成始也離萬物皆相見南方之卦也聖人南面而聽天下嚮明而治孔子曰爲政以德譬如北辰居其所而衆星共之今之京師居乎艮位成始成終之地介乎震坎之間出乎震而勞乎坎以受萬物之所歸體乎北極之尊嚮乎離明之光使

萬物之廣億兆之多莫不面焉以相見則凡舟車所  
至人力所通者莫不在照臨之下自古建都之地上  
得天時下得地勢中得人心未有過於此者也

北京青龍水爲白河出密雲南流至通州城白虎水爲  
玉河出玉泉山經大內出都城注通惠河與白河合  
朱雀水爲盧溝河出大同桑乾入宛平界元武水爲  
濕餘高粱黃花鎮川榆河俱繞京師之北而東與  
白河合

西山神京右臂太行山第八徑圖經亦名小清涼也

太行首于三危伏于河折北而尊爲恒山支巒複岡畢  
赴于燕秩秩然復纒屬以東數十百里入于海上土  
人以其西來號曰西山

長元按此海上指城西海淀

西山內接太行外屬諸邊磅礴數千里林麓蒼莽谿澗  
鏤錯其物產甚饒古稱神臯奧區也盧溝琉璃胡夏  
三河山水所洩多歸其中其水皆藻綠異常風日溼  
漾水葉遞映倚闌流覽令人欣然欲賦

京師形勝以堪輿家論之玉河之水當直出會南海子

從天地壇前轉東入潞河方爲自然崇文門外開河  
宜塞之庶幾左臂不斷此乃帝王建都萬代之計也  
京師前挹九河後拱萬山正中表宅水隨龍下自辛而  
庚環注皇城繞巽而出天造地設

元郝經入燕行南風綠盡燕南草一桁青山翠如  
掃驪珠晝壁滄海門王氣夜寒居庸道魚龍萬里  
入都會傾洞合杳何擾擾黃金臺邊布衣客拊脾  
激歎肝膽裂塵埃滿面人不識骯髒偃蹇虹蜺結  
九原喚起燕太子一樽快與澆明月英雄豈以成



敗論千古志士推奇節荆卿雖云事不就氣壓咸  
陽與俱滅何如石晉割燕雲呼人作父爲人臣偷  
生一時快一已遂使王氣南北分天王幾度作降  
虜禍亂袞袞開其源誰能倒挽析津水與洗當世  
晉人耻崑崙直上尋田疇漠漠丹青跨箕尾

明吳國倫燕京篇擬賦燕京勝三都未足誇霸圖  
雄雁塞青皮扼龍沙北谷回陽令西山擁帝家天  
平恒嶽迴地險薊門賒秦楚慚雞口侯王屬犬牙  
重岐闕御氣雙闕倚明霞芳樹華陽館高臺易水